

quejugae  $\frac{3}{4}$  lin. latae; pedunculis 3 —  $3\frac{1}{2}$ -pollicaribus; squamae involucri circa 16, 9 lin. longae; paleae ejusdem formae, sed angustiores et saepe uno ulterove dente munitae, Achaenia erostria? juniora saltem nullum rostri vestigium exhibent. — Species squamis involucri acutissimis facile distinguenda.

**232. Achyrophorus araucanus** Ph. A. acaulis, radice crassa, multicipite, versus apicem nigro-squamosa; foliis hirtis, ambitu oblongo-linearibus, peracutis, dentatis aut pinatifidis, dentibus lobisque acutis; pedunculis omnino nudis, folia aequantibus, floccosis aut glabratis; squamis involucri latis, triangulari-lanceolatis, glabris aut margine praesertim floccosis, exterioribus dorso hispidis.

Prope *Nahuelbuta* in humidis 1835 legit cl. Gay (herb. no. 932.); in Andibus depart. *Linares* orn. Germain. — In specimine prioris radix 4 lin. crassa; folia 5 poll. longa, cum lobis 6 lin. lata, lobi non ultra lin. lati, rhachis 2 lin. lata. In speciminibus a Germainio lectis folia majora, latiora, usque ad 8 poll. longa, lobi 20 lin. longi, magis incisi, sed rhachis pariter modo 2 lin. lata. Involucrum 7 lin. altum, totidem latum, e squamis circa 34 compositum; paleae lineares, satis abrupte acuminatae; achaenia (juniora saltem) erostria.

**233. Achyrophorus spinuliger** Ph. A. caule squamigero, monocephalo, striato, tomento albo, fugace vestito; foliis radicalibus confertis, lineari-lanceolatis, in petiolum attenuatis, integerrimis, glabriusculis, subtus parce hirtellis, margine spinuloso-ciliolatis; squamis involucri glabratis, margine apicali floccoso-ciliatis, exterioribus ovato-lanceolatis, interioribus oblongis, sensim angustatis, obtusiusculis; achaeiis (junioribus saltem) erostribus.

In Andibus *Talcareguc* dictis legit cl. Gay. Herb. chil. no. 698. — Folia  $3\frac{1}{2}$  poll. longa,  $3\frac{1}{2}$  lin. lata; caulis 6-



pollicaris; squamae caulinae 3, inferior modo  $3\frac{1}{2}$  lin. longa. Squamae involucri circa 30, latiores quam in affinis, nam illae secundae seriei 4 lin. longae,  $2\frac{1}{2}$  lin. latae; interiores 7 lin. longae,  $1\frac{1}{2}$  lin. latae. — *A. coronopifolius* ex descriptione squamis involucri angustis; *A. andinus* eodem caractere et achaeniis rostratis; *A. tenuifolius*, cui proxime accedere videtur, squamis involucri longe angustioribus differt.

**234. Erigeron andinus** Ph. E. caule humili, simplici, monocephalo, foliato, pilis albis patentibus hispido; foliis radicalibus confertis, elongatis, linearibus, basin versus attenuatis, obtusis, integerrimis, glabris, longe ciliatis; caulinis basi latioribus, sessilibus; squamis involucri lineari-lanceolatis, acutis, glabris, glanduloso-hirtis, asperis.

In Andibus prov. *Santiago* occurrit. — Folia radicalia usque ad 3 poll. longa, 2 lin. lata; caulis 3—5 poll. altus; folia caulina circa 6, mediana 16 lin. longa,  $1\frac{1}{4}$  lin. lata; squamae involucri  $2\frac{1}{2}$  lin. longae, apice atropurpureae; ligulae roseae involucrium bis aequant. — *E. andicola* DC. foliis brevioribus, utrinque hispidis, squamisque involucri hispidis differt.

**235. Erigeron ciliaris** Ph. E. caule humili, simplici, monocephalo, foliato, pilis albis praesertim superius hispido; foliis anguste-linearibus, acutis, glaberrimis, margine eleganter pectinato-ciliatis; radicalibus erectis, basi vix attenuatis, fere filiformibus; caulinis basi latioribus, sensim angustatis; squamis involucri linearibus, sensim angustatis, acutis hispidis.

In Andibus depart. *Linares* invenit orn. Germain. — Caulis  $2\frac{1}{2}$  — 3 poll. altus, foliis 5 — 6 fere usque ad capitulum vestitus; folia radicalia usque ad  $2\frac{1}{4}$  poll. longa,  $\frac{3}{4}$  lata; versus apicem non latiora; caulina mediana fere pol-